

# 古事類苑

## 植物部十五

### 草四

菅

〔新撰字鏡〕蓼上字須介。

〔倭名類聚抄〕菅上字須介。

唐韻云：菅音卦，字或作  
簡和名須計草名也。

〔箋注倭名類聚抄〕說文菅茅也。楚辭招魂注廣雅同皆以菅茅爲一毛詩小雅白華篇白華菅兮。白茅束兮。傳云白華野菅也已。漚爲菅。箋云人刈白華於野已漚名之爲菅。菅柔忍中用矣而更取白茅收束之。茅比於白華爲脆據毛鄭意在野未漚謂之菅與茅同類異物故東門之地陸機疏云菅似茅而滑澤無毛根下五寸中有白粉者柔韌宜爲索漚乃尤善矣中山經郭注云菅似茅也本草圖經云菅亦茅類也然則許慎王逸張揖以茅釋菅統言之耳但陶弘景注本草茅根云此卽今白茅菅詩云露彼菅茅其根如渣芹甜美蘇敬於此注載菅花亦似溷同菅茅爲一宜依鄭箋郭注爲一類二種也李時珍曰茅有白茅菅茅黃茅香茅芭茅數種葉皆相似白茅短小三四月開白花成穗結細實其根甚長白軟如筋而有節味甘俗呼絲茅可以苦蓋及供祭祀苞苴之用本經所謂茅根是也其根乾之夜視有光故腐則變爲螢火菅茅只生山中似白茅而長入秋抽莖開花成穗如蓼花結實尖黑長分許粘衣刺人其根短梗如細竹根無節而微甘爾雅所謂白華野菅是也按白茅或單呼茅故本草謂此根爲茅根下條訓茅爲知爲允今或呼知賀夜謂其花爲知婆奈今俗呼都婆奈者訛也菅乃可充加夜訓須計者非是圖經曰茅根春生苗布地俗間謂之茅針夏生白花葺々然